

**Protocol radunonza generala da Trun Turissem
venderdis, ils 24 da mars 2023 allas 19.30 uras
ella sala dil Hotel Casa Tödi**

Gliesta da tractandas:

1. Beinvegni ed appel
2. Elecziun da dus dumbravuschs
3. Approbaziun dil protocol il 25-03-2022
4. Rapport dil president
5. Quen annual2022
 - a) Presentaziun
 - b) Rapport da revisiun ed approbaziun
6. Preventiv 2023
7. Fixar la contribuziun dils commembers
8. Elecziuns
 - a) president
 - b) suprastont
 - c) 2 revisurs da quen
9. Varia

1. Beinvegni ed appel

President Daniel beneventa tuts presents alla radunonza generala da Trun Turissem. Sco appel cursescha la gliesta da preschientscha.

Presents ein 23 commembers. Las perstgisas vegnan prelegidas.

Il president supplichescha per in cuort mument da silenzi per nos dus commembers defuncts Carli Albin e Guido Demund.

2. Elecziun da dus dumbravuschs

Sco dumbravusch vegn Flurin Maissen elegius unanimamein

3. Approbaziun dil protocol

Il protocol dalla davosa radunonza generala dils 25-03-2022 ei staus puplicaus sin la pagina dalla vischnaunca. Sin giavisch eis el vegnius tarmess tier. Negin ha fatg diever da tal survetsch.

Ils presents approbeschan il protocol cun admetter in engraziament per la redacziun da tal.

4. Rapport dil president

Il president dat ina revista sur dil passau duront igl onn da fatschenta 2022:

- Nossa cunvegna cun Surselva Tourismus dat a nus ina buna pusseivladad per far reclama anoviars per las differentas occurenzas en nossa vischnaunca.
- Era el decuors digl onn vargau havein nus saviu dar suatientscha a differentas

- damondas da sustegn.
- Las preparativas per la senda da viandar gl'unviern eran fatgas. Muort munconza da neiv ha ella bu saviu vergnir aviarta.
 - Igl art ei in grond magnet en nossa vischnaunca. Pliras occurenzas han giu liug ella sculptura Ognà ed il museum Cuort Ligia Grischa attira biras hosps ed indigens.
 - La grupp da vischnaunca ei in grond sustegn per Trun Turissem ed exequescha lavurs sin plirs camps.
 - La lavur che la grupp da voluntaris che sègna ils trutgs sin territori communal fa, vegn apprezzada da viandonts zun fetg.

Alla fin da siu rapport engrazia Daniel als collegas da suprastanza per la fetg emperneivla collaboraziun, sco era a tuttas e tuts che s'engaschan sin ina moda ni l'autra per il turissem.

5. Quen annual 2022

a) presentaziun

Rita Wolf presenta il quen annual detegliadamein. Quel muossa entradas da 96'401.85 frs. enviers expensas da 91'761.54. frs. Aschia seresulta in gudogn da 4'640.31 frs.

Mario Lechmann damonda, daco ch'ei seigi ina gronda differenza denter la summa preventisada e la summa reala per las sesidas e radunonzas.

President Daniel declara, quella differenza seresulti ord siu engaschi ella uniun Trun cultura.

b) rapport da revisiun ed approbaziun

Revisura Gabriela Vincenz prelegia il rapport da revisiun e conferma che tuttas cudischaziuns e quittanzas seigien avon maun ed il quen seigi vegnius menaus a moda schubra e surveseivla.

La revisura da quen engrazia alla suprastanza ed alla secretaria per la gronda lavur prestada en favur da Trun Turissem.

Ils presents dattan scarica alla suprastanza ed approbeschan il quen annual 2022 unanimamein.

6. Preventiv 2023

Rita presenta il preventiv 2023. Quel muossa entradas da 92'100.00 frs. enviers expensas da 84'650.00 frs., aschia seresulta in gudogn da 7'450.00 frs.

7. Fixar la contribuziun dils commembrers

La contribuziun munta per possessurs e menaders da menaschis da restauraziun e da pernotaziun, fatschentas ed interpresas en vischnaunca e persunas singulas à 25 frs.. Per fatschentas ed interpresas d'ordeifer munta la contribuziun à 50 frs.

La suprastanza ed ils revisurs proponan da schar las contribuziun sco tochen da cheu. La proposta vegn approbada unanimamein.

8. Elecziuns

a) president

President Daniel dat il plaid alla vicepresidenta Esther. Ella declara che Daniel hagi sincerau da star vinavon a disposiziun sco president ed engrazia ad el persuneter. Demai ch'ei dat neginas autras propostas, vegn Daniel elegius unanimamein per ina

ulteriura perioda d'uffezi da 3 onns

b)suprastont

Era Remigi Maissen stat vinavon a disposiziun e vegn reelegius per ulteriurs 3 onns.

c)revisurs da quen

Medemamein stattan ils dus revisurs Gabriela Vincenz e Donat Albin vinavon a disposiziun. Era els vegnan reelegiu per 3 onns

9.Varia

- Marc Cathomen presenta a tuts sia purschida PanoTour. El mument ei Trun Turissem ensemen cun Sumvitg Turissem vid elaborar ina tura virtuala sigl intschesch dalla vischnaunca. El decuors da questa primavera duei la tura esser online.Ils presents laian plascher la nova purschida.
- Mario Lechmann sa che siu vischin fagess bugen reclama per e cun Trun. El fussi prompts da sponsurar taccaders .Daniel e Mario vegnan a contactar il vischin per mirar en tgei fuorma
- Flurin Maissen sco responsabel per la cuorsa liunga ella regiun sto rapportar che la loipa a Trun seigi stada aviarta gnanc in di. Era cheu han ins stuiu sutametter alla munconza da neiv.
- Olivia Pfister engrazia pil sustegn al museum Cuort Ligia Grischa.Ella fa attenta silla exposiziun da Gieri Schmed che vegn a cuzzar gl'entir onn.
- Bruno Pfister sco represntant dil Runal Péra sto medememain rapportar, ch'il runal seigi staus en funcziun neginas ga.
- Gerau Lucas Arpagaus engrazia per la buna collaboraziun.

Sco davos ha il president aunc enqual informaziun:

- Ils davos meins ei vegniu fatg ina midada interna, Rita Wolf vegn vinavon ad esser responsabla per las finanzas da Trun Turissem. Da niev surpren Esther Tomaschett tut las lavurs da secretariat.
- Perfin a Bhopal ell'India vegn fatg reclama cun Trun Turissem, numnadamein entras Annina Tomaschett. Ella porta numnadamein ina tastga cun ella cun si nies logo.
- 25-03-2023 radunonza generala da Trun cultura
- 1-04-2023 avertura dil Campadi cun la nova ustiera Melanie Albin
- 17-06-2023 vegn ad esser avertura dall'exposiziun Mathias Spescha en la fabrica da Trun.

President Daniel engrazia a tuts per lur preschinetscha e la buna discussiun e giavischa in bien appetit e silsuenter in bien retuorn a casa.

Campliun, avrel 2023

il president
Daniel Tuor

la secretaria
Esther Tomaschett